

四庫全書

史部

欽定四庫全書

史部
欽定盛京通志卷一百
十七至
二十

侍郎_臣劉躍雲覆勘

總校官編修_臣朱鈴

欽定四庫全書

欽定盛京通志卷一百十七

國朝藝文三

五

欽定四庫全書

欽定盛京通志卷一百十七

國朝藝文三

頌

聖駕東巡

盛京恭謁

祖陵大禮慶成頌有序

乾隆癸亥

鄂爾泰

皇帝御極之八載歲在癸亥月紀孟秋諏吉日飭乘輿

奉

皇太后東幸

盛京展謁

祖陵禮也先時雨師灑道決旬優渥從官侍臣虎賁羽林
七萃八校之士畢罕旄頭鉤陳壁壘千乘萬騎之
衆夙裝以俟比

大駕行雲開天霽和飈拂旗

皇帝曰惟

天惟

祖宗佑予一人耿耿社哉迺循畿甸出北口抵熱河遂巡
省外藩諸部度白狼踰烏桓橋潢水徑龍沙諸部
君長名王下洎且渠當戶千百為羣治道供張奉
迎厥角行負弩矢前驅居環

黃幄宿衛奉觴上

壽進膳獻琛

賜賚所加舞蹈呼嵩之聲殷地徹天聞乎數千里之外

皇帝曰於我

祖宗盛德大業至矣哉自祁姚化所弗暨漢唐威所未讐

我疆我索一尉一侯謚如也迺入柳邊迺沿混同
瞻長白之峻極度納綠之蜿蜒谷邃山高水深土
厚扶輿鬱積

王氣攸鍾神臯奧區上應析木形勢龍蟠虎踞揭八荒
而包六合我

太祖

太宗櫛沐風雨規矩乾坤披荊棘刈豺狼畫井里蒐軍實
所為創業垂統作則萬世者山川城邑悉載赫聲
濯靈土俗儉勤室居朴素有陶唐氏遺風焉

皇帝周覽遐觀喟然動容曰此我朝景毫邠岐也猗那
濬哲之頌生民瓜瓞之歌欽念哉齋心凝神愜聞
優見廼以九月丙申有事于

永陵越六日壬寅有事于

福陵翼日癸卯有事于

昭陵祠官掌儀太常奉引

皇帝穆穆躬執玉璫酌秬鬯以灌顯相辟公翼翼陪列
庶司百職跼蹐濟濟成駿奔走執豆籩窮天產與
陸珍緣博施而備物揚燎斯光炳玉燭升香遂瑞
蔚慶雲乘龍

在天髣髴彤璽九獻具舉百禮是洽迺

御崇政之殿

清寧之宮以朝以宴遂下

詔書頒中外

湛恩鴻龐愷澤汪濊留都皤皤黃髮之老扶杖而觀擊壤歌衢異口同辭贊嘆曰盛哉乎斯世自

聖祖東巡以還又數十年而載睹

屬車之清塵也

皇帝曰予一人承丕丕基觀揚

祖宗耿光大烈惟祀與戎國之大事可勿愆迺修祀典神
庀羣望暨功宗元祀書太常者若廟若祠若墓牲

幣酒醴咸秩無文廼續武功教大閱申以三驅勒
以八陣如山如川有嚴有翼廼整旌旆鳴和鸞度
遼河循山海熙熙融融肅肅雍雍以旋乎

紫微之宮告至

太廟蓋自有簡策可紀以來未有祀事光顯合萬國之懽
心極兩間之悅豫如

今日者也

臣以奉

命留京不獲與于扈從際此

大禮慶成繁禧總至

天章燦爛日星為昭

臣

不敢以弇陋不文黷無紀述

臣

惟

上天眷佑我

大清

聖聖相繼累洽重熙薄海內外罔勿率俾自肇造以迄于茲百二十有餘載矣積厚基崇

謨烈既起邁往古

皇帝以大孝鴻仁作求成孚尤非自古守文之君所能

及即今恭謁

陵寢至誠至敬上明下察無所不通往來兩京時踰三月
之久天晴日煦氣藹如春和風舒徐榮光煜爚醴
泉膏露隨地滋涌

天心之感格協應既如此其昭彰臣工景從士馬踴躍父
老欣欣望幸屬國喁喁傾心自

輦轂以至海濱山陬飲和食德若遊華胥人情之愛

戴悅服又如此其廣遠然則致治隆盛固已駕商
戊軼周成追羲軒媲顓昊彼漢代侈言明章過沛
幸宛曾何足以比擬萬一乎哉孝經有言聖人之
德無以加于孝大學有言為人君止于仁大雅有
言繩其祖武於萬斯年受天之祐

皇帝孝通神明仁被草木太和洋溢萬福攸同
臣敬以卜
我

大清億萬年無疆之休也謹稽首頓首而獻頌曰

天作高山曰維長白三江濬源地軸之脊

天眷

大清此維與宅殷土周原是壑是闢廼疆廼場建邦有

奕

天命

太祖載旆秉鉞既掃輝發爰拔哈達烏拉斯滅葉赫斯伐

莫我敢遏聿造

帝業蕩蕩遼瀋我我宮闕

允文

太宗武烈是承東征北討莫我敢膺松杏麾戈如日泮冰
詒謀宏遠大猷允升京邑相望曰盛曰興

赫矣一統普憐八埏駿德鴻功

三后在天

皇帝纘緒昭格有虔曰維舊京

山陵在焉駕言徂東王道平平

迺謁

永陵開運蔥蔥迺謁

福陵天柱隆隆迺謁

昭陵隆業崇崇武庫之劍橋山之弓於穆清廟有恤閔宮

蕭合羶薌清尊大房以格以享綏我思成

叶工祝

致告祀事孔明

叶

天錫

皇帝萬壽無疆時雨時暘豐年穰穰

迺坐明堂以臨下土禮儀既備恩澤周溥內自州

郡外及蕃部黃童白叟式歌且舞曰

皇帝孝光紹

列祖

至誠感神自

天佑之川祗岳靈助我孝思

皇帝所居景福維祺自秋徂冬周徧兩畿麗日和風春

臺是躋

春臺是躋普天胥樂順德之孚覃被廣博東鰈西

鷦南交北漢式化從風入息出作曰孝曰仁福祿
攸酢

皇帝之孝萬邦是式

皇帝之仁四海秉德

皇帝之福與天無極咸五登三嘉瑞畢集卜祚綿綿時
萬時億

聖駕東巡

盛京恭謁

祖陵大禮慶成頌

有序

癸亥

史貽直

臣聞物本乎天，人本乎祖。故孝子之事親也，致愛則存，致慤則著。而聖王之御宇也，以義率祖，以仁率親。其在廟也，有日祭，有月祭，有時享，有歲祫。其祭於陵寢也，近者或閱歲一舉，遠者或間世一行。至於朔望節序上食之禮，則掌之祠官，引而近之親親之誼也。書缺有間矣。若夫漢唐諸君，謁陵上食，諸儀載在史編，可考而知也。前代諸儒，泥於章

句不能緣情制儀以垂於後或是古非今或穿鑿
傳會名為聚訟無所取材洪惟我

朝鍾祥長白源遠流長

列祖

列宗積德累仁經營締造暨乎

世祖受

天明命遂朝六合撫綏萬邦中外一家繼繼承承於今百

年懿休乎史冊所書未之有也伏見我

皇上臨御以來數政寧人無時不以敬

天法

祖為心無日不以紹聞衣德為念善繼善述丕顯丕承邇
者恭謁

園陵特修祀事

鼎湖弓劍厓優聞愾見之思

原廟衣冠動春露秋霜之慕追惟

世德仰溯

先猷用以見

累朝創業之艱難

列聖貽謀之光大萃萬國之歡心以肅雝顯相

至孝也霈敷天之膏澤以覃及中外

至仁也周覽盡桑麻雞犬之俗有以知邠岐之勤儉

王業所由興享王及嚮表毳服之倫有以知鎬洛之聲

靈

皇威所由被以視夫揚雄之誇羽獵相如之賦上林安

足以方斯

峻烈媿此

鴻休也哉

臣

承乏銓衡兼司秋部不獲躬隨

鹵簿廁奉璋虎拜之列葵藿之愛無由自展不揆菲陋爰拜首稽首而獻頌曰

癸亥之秋七月初吉

皇帝時巡六龍扈蹕豈曰豫游

大禮是秩巍巍瀟遼日華雲霓長發其祥有邛家室

鑾輿未發零雨其濛

屬車既駕皎日麗空
油油縉雲習習祥風
塞垣迢遞塞

草丰茸先天弗違

帝眷

皇躬

於燦

列祖肇基俄朶

天錫嘉符鵲銜靈果
惟

天降命敢不負荷北倚長白南控遼左豈不懷安四方徯我

洪惟

太祖積德累仁

清雖舊邦其命維新

躬擐甲冑漠北無塵時維中原既否且屯

帝曰念哉吾矜其民

太宗嗣服興圖式廓

崇政當陽高山荒作旗列八方雲屯萬幕其時中原

愈削以弱

帝曰時哉惟德勝虐

肆我

世祖壹著戎衣矢無亡鏃

天命有歸

聖祖受之壽考維祺

世宗纘緒海寓惟熙亦越我

皇百祿是宜伊誰之為

列祖之貽

我

皇大孝孝思維則東望

鼎湖聿懷

祖德栝櫟既陳膏腴既勅春露秋霜豈惟怵惕繩其

祖武庶幾不忒自朝至旻不遑暇食

興京翼翼閭闔宕蕤乃陳

法駕乃集百僚乃設九賓乃奏雲韶中外一家莫不來

朝傾誠仰化豐義輕貂歌風比

舜就日如

堯

在昔

聖祖三謁

園陵我

皇法之是遵是承念茲

神器業業競京邑相望

王業所興

列聖在天靈爽式憑桑麻被畝禾稼盈塍億萬斯年大猷
允升

中天之盛喜起賡歌際茲景福是曰太和林無伏
莽海不揚波在廷獻頌雲委肩摩微臣蒙

眷九列婆娑豈不抽思非才則那

彤墀拜手但媿卷阿

聖駕東巡

盛京恭謁

祖陵大禮慶成頌

有序

癸亥

袁曰脩

乾隆紀元之八年

上侍

皇太后自京師出古北口詣興都謁我

列祖陵寢猗歟盛哉斯誠鉅典粵維我

皇帝陛下臨御海宇凡所施設為萬世矩矱

祖敬

宗帝者首事夙夜求顧懍乎不敢康茲奉

皇太后旨諏吉啟行肅將祀事遵

聖祖遺軌承

世宗憲皇帝志也

三陵翼然

神其攸宅

上迺升壇薦馨以次告祭備儀備物弗懈益虔灌鬯既

畢褒功勸忠勞逮於從龍之佐維時諸外藩王子
部落駢集踵至臣民億萬萬皆跼瞻

聖容同增感慕禮成

駕興霓旌翠麾日華雲燦鱗次闕微之上蜿蜒遷迤
駐清蹕於東都

上益周覽從容景與神會穆然遐思畢乎高瞻我

祖宗經營締造之跡咸在心目

御正殿受朝

錫昇平之嘉讌

恩綸載馳中外和會迴

鑾道山海關旋

京師是行也逾秋涉冬風日清朗

上召問耆老諮訪土俗

輦路所經普

賜膏澤在行之人均荷

惠賚農樂於野師忘其勞往還數千里如在戶閭

臣仰

維我

朝起自東土肇造區夏發祥之始實同邠岐自永清
大定以來又百年於此薄海內外都為一家

聖聖相承依古無匹

皇帝臨一統車書之會當百年禮樂之期揚烈觀光合
萬國之懽心以事我

皇祖典盛禮崇神人胥慶是宜播之賦詠傳於無窮
者既歌詩以獻又竊以固陋之詞不足揚扞

臣頃

聖德伏惟

皇帝陛下述作協於陰陽動靜侔乎天地與詩書雅頌
所稱美同符合節臣謹掇輯五經成語為頌十六
章陳之

黼座文章報國臣何敢云顧濡筆屬詞誠懼誠忤臣亦
且自慶其遭逢焉頌曰

帝德廣運繩其

祖武至治馨香承

天之祐禮樂明備惟

帝時舉以致其裡祀俾緝熙純嘏

念茲

皇祖乃疆乃理東至於海邦畿千里肇十有二州罔不率

俾繼自今文子文孫介以繁祉

皇建其有極萬國咸寧纂乃

祖服與時偕行霜露既降可以升

山陵旂十有二旒錫鸞和鈴

時乘六龍亦右

文母視寒暄之節悉率左右徽柔懿恭德音是茂內平外
成克開厥後

奠高山大川建無窮之基

路寢孔碩

神所憑依至於

寢門外如將見之有孚顒若永言

孝思

誕我祀如何直哉惟清薦用玉豆雕篲潔粢豐盛
既備乃奏簫韶九成用能協於上下以為禮之大

經

帝省其山駿極于天原田每每王道平平

盛德大業有開必先美哉泱泱乎

君子萬年

禮行于

祖廟濟濟翔翔侯甸男邦采衛具飭衣裳辨色始入觀

國之光載篤其慶俾爾熾而昌

雲上于天零露泥泥燕以示慈惠飲酒樂愷乃命
有司大賚于四海崇德報功貴親而尚齒

渙汗其大號

慶賜遂行百辟卿士公侯干城行爵出祿以莫不增省

囹圄止獄訟刑期于無刑

帝光天之下受小球大球四夷咸賓匪紹匪遊皆再拜

稽首以承

天庥民大和會如川之流

乃武乃文克薦

前列歲云秋矣習射御角力三驅之餘以數軍實展也大

成

天威不遠顏咫尺

帝庸作歌吐詞為經對越

在天邇駿有聲文物以紀之與日月合其明丕顯哉丕承

哉永底烝民之生

祭則受福入而振旅其道大光昭茲來許以化成
天下有秩斯祐熙嫗覆育萬物爰得我所

山川出雲雨雪霏霏兆於

南郊自天

天祐之

聖人至德而風雨節寒暑時冬大有年

大君之宜

順氣成象福祿來為繼序思不忘

聖敬日濟乃賡載歌無疆之詞

天子當陽

上帝是依

聖駕東巡

盛京恭謁

祖陵大禮慶成頌有序

癸亥

王太岳

臣竊惟禘祫之義同於聖揆山原之儀疎於曩作
妥帖藏魄嘉愉降靈馬矣然錫圭授啟魚雅而下

璿階刻壁稽堯泮渙而臨雒汜升中紫望則霄燭
張皇展義來蘇則邱陵津逮天衢地輔森景柏之
九九星畢雲捎曠原荼之膻膻雖邁邦有赫而造
禰無勤非以率見克配袞敷來孝疏接下武之祺
恢通周監之軌至迺桐闡闢曙飲酎計寮總幘披
寒薦鞠禁媛簫饒姦發憇鄩杜而夸猶廐府雲闐
拜陽平而局縮蓋春華賁縟殊非下鳳之煇解棗
騰魚劇爽倉鸞之實皆不足以比附

丕朝永世之經依約我

后薦惠之畧伏惟

皇帝陛下升熙握樞受丕出震繼

列聖之釐成造千齡之樂閭純蘊經地良趾飲其凝承光
道馭天神鱗協其控送進反百代之度系泰而營
黃鍾紆餘後昆之謨中尊而待衢酌荒臣庶妾洞
閔闔以展瞻賢戚楫親徹蚩堦而並樹禹金在鑄
往無谿麓之迷舜壁衆蠲求有水火之瞻譬之桑

林一注燦濕驟均簡珠肆縣元白各暎抑揚萬歛
協于八瓛之鳴經緯千流洪於四溟之滙皇乎負
哉可以躑躅軒庖之場欲吐姚姒之響者矣顧迺
挈器維沖凝旒若慕游神旁用銜慮孤竦曰余不
敢遐譚紹衣博驚荒古也含醇履素咸中遂稊懿
維我

祖厥有成締降在享人式卑鴻趾瞻念朽索緬言荷薪
皇天后土置余跼蹐之躬高山大川環以饑溺之抱悵悵

翹翹栗栗如也洎夫堯閔三題姬朔八授黃裳朝
委素微大調謳飲之歸莫辭孟帶之契已譽恭已
何象但有晝日之紆百昌遂登亦覺元造之樂

宸儀外睟淵思內邈擘茂緒之所垂慨靈風于既衍
曠化豈非

宗祏之靈迓其純錫彌儼

庭止之陟且夫軒轅萬品之用基蔭末以揚芳衡從五緯
之文滌璇源而啟瑩是故少典作而高辛昌窮蟬

衍而重華兆金山祖頊元王勤商達牒鋪觀左符

若合

國家膺五百之景休乘四七之前會華胥

神母初定祥于倪天白水

真人即叶靈于啖月

肇祖首出

三聖紹興

太祖

太宗丕承丕顯荃宰寄矣馨業綏矣方夫裁所裁基規員
展域惜澹人鬼之謀從容戈馬之烈素鱗未躍連
山之歎海重波丹翼初投接地之垂雲五葉麾斥
八極淑清日月之光奔走千靈豁達風雷之氣既
而大龜告契光宅斯皇醵肪玉而召鷹揚漂雨珠
而錫粒食蜚弧卓地揭蛇虎以羣翎圖契開天進
魚龍而合負五禮六樂聲光銜燭之門厚利龐仁
根蒂文衡之蔭然後齊景若華之顛重規穹幕之

表襲正陽而號四履廓塲黷而迴六幽砥屬烝徒
共揖羣辟三千長邁鏗鉤不戰之征八百如歸汗
湯不期之會蓋以暘元春之茂施受偃草之羣順
迄我

世祖一戎衣而有之吁其久也然則設都來辟勤懷旅楹
胥宇生民必逾自土良繇禮不忘本樂樂自生

仁祖六十年之三駕

憲考十三祀之匪康規勢雖判在懽罔殊矣故曰麗正之

運戴抱而輪重運掌之紀事述而志繼夫進可以
接降原陟嶽之遠躡退可以協隨嶽翕河之邇猶
比于在廟而憑依為親舉之間歲而大禮不瀆斯
宣詰之所悞悞孝理之所亟亟故迺進禮官按恒
式太卜諏吉罔伯選徒使者先駟名物式序

天子揚鑒太紫之庭指旂中黃之宅皇皇

三陵具禮容而明祀事蓋在昭陽次歲而邠風授衣芒乎
鑠哉夫其靈鼉迅發珥象威夷梯畢罕以高摩駟

虬螭而遐運辰旒乍舉九霄之列歟千撝拾輅方
騅十地之靈隆一簇歲縶豹尾覘景附于樊山蠓
畧雞翹應雄鳴于陳寶醇流鬯漑涑未灑而埃蠲
協氣羯英漢無章而景湛鉤驪轉衛

帷宮敞無外之家義御襄征

帳殿肅嚮明之理魚眴鳥頡秩宿序于三階岳運川
迴走雲駢于七萃斯則陽開陰閉不窮操軌之靈
鼻歛頭蜚莫極扶輪之旅爾迺戾舊都攬荒作百

雉歸然千灼如舊桑麻急急出湛滅之精神雞犬
依依共熙怡之血氣繞雲髻于若綬謂罟迎釐進
霜耆于修幡嗟咨送肆於是齊袂孔虔質明皆作
容衛肆具

幽宮靜嘉三祗奉引八神左右盥奉溪后之盤香擲祝融
之馱觥鰈鱗次傾皇澗之溫波泔澹珠璣含甫田
之仁粒金支晃夜緝魚火于重幽玉豆馨晨匹樵
蒸于大昊宏排訣蕩納合體之馨香大聳燦訖下

靡爭之醜假黃儀選而駕鶴蹏穆羽調而龜麟舞
用能襲鴻明于翔拱接雲氣于西徂混江錯綺載
思樂以冲潔白岳撐霄疊禎氛而律萃羽綴解華
樹輟祝嘏既脩彛憲載張坐明堂而渙祥綸緝伍
符而建蕭鉞十倫緝化大澤下于燁脰三表徵規
都肆敷其荼火鳳銜七色散蒼陸之陽暉魚麗千
屯按元娥之陰籙露蕭鬱鬱磬一草一木之驩日
羽芒芒總九地九天之烈閭風寫慶簫太液而波

頽大介揚稜指櫓槍而氣讐南陽之賁既博司馬
之儀既閑五材並用盛德貞金木之符六位時乘
妙有體陽秋之揔抑又所以式撻武而鞏

皇維籍臚歡而甄

靈貺于斯時也番禺詩椒塗舞月竈納光日際屬橫汾

頌義荐麟玉以錫芳擊筑歌風協龍鈴而布諠矣

然後方神轉轂岳將送旌迴塗乎蕩平憇襟乎仁

壽殊徽自擾驂澤馬以揚鑣神運不勞夾山興而

結轍珍叢瑰族不加于域大之靈璧月華星匪震
于乾元之色至仁簡簡官府小大具僚進止之常
至樂夷夷婦子倉箱里閭宴衍之事所謂神規齊
俗妙宰宅虛鍾鑪萬有而無憂磐石億祀而莫紀
然後知反本敦憲不吏云云之封烈照重芬厥由
翼翼之顯夫揄揚上德以昭聲寔于崇今綜纂見
聞以永繩表于遐葉此臣下之義不可損之情臣
誠薄劣生長于懋俗蹈舞于懿則意者廣曜所被

翰豪之纖采皆據惠凱所宣柯杪之零音並扇忘
其慙愚輒有擬議庶幾堯衢之風比于美芹之懷
哀列丹藻狀乾坤而末由欽挹淵崇顧涓塵而滋
惡臣不任區區吟咏之極敢昧死再拜而獻頌曰
地無敬流天無子曜

聖人之生繇煒衍浩皇矣

上帝駿惠有

清我

皇時保念

祖兢兢

九極疏局萬域砥道穴蟄淵游諧津罄照于化既
豐在工載熙我

皇南面綏珮迎釐

天之無為七曜旋螳淳理林經五季展義周邦時
邁厥考維天曾我

列祖莫造莫虔

於皇我

祖造邦東瀛黃鉉下奠紫寓高清道扇風芳氣馳雷霍人

去載胥天推式廓

積祥之趾燿燿

陪都蒼精下緯玉電撝樞

寶胄繇千羅圖闡萬惟此

烈光重規啓憲

我

皇念

祖恪止瑄薌

神祐時饗既壽永昌

大駕朱弓天函地襲念此孔修心焉如攝

伐鼓既坎和鸞既鴈鉤膺翼翼夙駕洋洋霽景烜

龜協風珥御

帝邁舊邦百靈相語

灝瀚龍趨縣嶽鳳翼

神眷佳閨宅斯無極我

皇度止有愜其心席芳眠履問晷凝襟

羲和振鑣廣輪肅穆芬樹僊僊金房或或梯霄架
拱控極排楊祥熏裂燠鵲照麾寒

衝牙軫輅列羽飄蕭龍姬辨禮跨媯鏗營牲牡既
省邕瓚元滌享薦

一人息屏百辟

都荔遂芳芳以明德輯賁同琛迺荐嘉璧浚照璫

源寅蔚璇條

龍光時荷享服斯昭

皇之對越慄矣夔夔洞幽屬顯日耀雲綏諒兮我聳色
兮我覩匪上斯旁匪堂斯武

神之宴娛聲薌北迓陳寶球圖繽綸來下霧旂乍禱神去
夷猶元璣遺耀垂貺

靈脩

烝哉

皇孝蔚矣懋儀本天塽造盤地攸釐乾冒有端坤受有

域我

皇薦祐孰究以極

桓桓虎旅作屏

舊京三樞宴謚八表聲靈墨齒聞庭黃支契軌揮解

思航占輶知頻

震鱗題朔般足巡垌攝提從紀玉燭文明海截丹

繩日躋翠錄有

清兆祠同斯景福

聖駕東巡重謁

祖陵禮成恭頌有序

甲戌

曹秀先

臣嘗讀詩至周頌如清廟烈文天作我將思文諸

什以為崇祀樂歌恢皇懿燦者至矣若時邁十五
句般之七句所有鋪叙夫震疊哀時功德可信可
傳照人耳目獨惜其各為一事美非合并而詩人
尚侈稱之如彼要以兼賅統會盛美咸臻固未有

逾於我

朝者也伏維我

皇上御極之八年率由

聖祖仁皇帝舊章恭奉

皇太后慈駕東巡祇謁

三陵孝思不匱

恩自天施逮今十有二年甲戌之秋重舉

盛典顧念臣昔歲家居未獲載筆鬱結在心如此夫禮

制章明久益弗怠所謂

堯舜之君子身親見之者已臣又嘗繹周頌之文論述

先世未始遠稽唐虞稱引夏商也今欲揚扆我

朝崇理而援據邠岐舊事因襲陳言臣所弗敢竊不

自揣謹撰

清頌一篇以

獻

莫高維天莫厚維地

天顧在東地靈孔異維震之位億萬斯年付

聖人所治其一

沃衍乎遼疆廣袤乎瀋陽長白者山混同者江相

厥舊宇我

天子之邦自上下下亶臣萬方其二

於赫

皇清

天所祚只

天祚我

清

神所助只於維乎

烈祖爰居爰處佑啟

太祖式顯

太宗誕興王于東

具三

列祖在天亦孔之靈矣

列祖之靈矣惟德之馨矣昭昭

世祖萬邦臣矣丕惟我

聖祖光啟

世宗垂裕無垠矣其四

於維

聖祖東巡及三賁然泣止瞻望

天山

三陵峙其間雲與為衣星與為班虔言往謁敬思其艱祀

事孔嫺萬福斯頌其五

穆穆

天子孝德是常癸亥有秋遄巡彼東方祇奉

聖母和鸞鏘鏘虔祀

列祖曰秋而嘗於戲

列祖不忘其六

曰十有二載

皇篤孝忠載奉

聖母載揚龍旂于禮乎是儀于樂乎是詩

丹陵謁祀載受福釐我

皇祇肅

聖母孔怡

其七

載展

祖庥施于子孫祇敬於

明神孔綏福履自昔我故里懽言泣止

聖人親親公族合齒式飲式食永介繁祉

其八

昔也徂東

澤自天下今也徂東

仁覃九府求土有衆謂

天子私我我臺也是春我屋也是夏其九

時邁東土懿德時靜濟濟藩輔

肆覲乎朝請逮彼箕子國珪璧是秉告我

列祖承德惟省於戲

興京之景矣

盛京之永矣

其十

欽定盛京通志卷一百十七

欽定四庫全書

欽定盛京通志卷一百十八

國朝藝文四

頌

欽定四庫全書

欽定盛京通志卷一百十八

國朝藝文四

頌

聖駕再幸

盛京恭謁

祖陵恭頌謹序

甲戌

梁國治

臣聞昔受圖於翠嫺錫玉於延喜明王者升福肇祉

假天顯命之符也越有周文武誕集大統丕景光
烈至於成王洋溢雅頌推本太王王季上溯公劉
后稷陳沮漆幽湄皇間過閭岐陽豐鎬之迹涉降
荒度疆理揀築修平攘剔之勤升歌告廟以施孫
子以昭來許洪惟我

朝繼周室之隆軌紹千祀之遺緒奧自

太祖肇造函夏開乾闥坤榮鏡乎宇宙威懾乎雷霆殷
烈祖之洪熙宅遼瀋而作京及我

太宗內天文德外暢武威協運承統張網緝維當此之隆
籌畫若神明將卒如雲雨式廓疆圉萬國景附是
以我

世祖因天人之符遂來蘇之望色舉六合亘被八荒使水
火納於衽席闇昧燭於光明也我

聖祖繼之祇祇繩繩仰則天經俯協地紀翔翼風於南箕
浹允澤乎離畢乃睠

祖烈展慕乎

山陵蓋六十一年三用享焉越我

世宗虞思廣運辰居建極適自藩服膺

命陟薦而靖惟疇典十三載而不遑我

皇上聖德純孝纘膺

丕基乾隆八年秋躬詣

盛京齋肅致敬告覲

山陵望長白徧羣神懿豐融洽士林

皇帝穆乎精凝於肸鬯之宇淵乎氣接於穆清之庭綜

括山海彈悉圖經渺歛地寶雕錯天榮剖纖析與
構響研形披發聾瞶振耀流聲揆

天藻而作賦蓋古今莫之與京也且夫聖人之德無以
加於孝記曰大孝不匱言備物博施也王者撫萬
國度四方施法天明日月所照齒髮之屬莫不砥
礪今析木之次北冥之壖候尉藩籬衛我

陪京盖川嶽靈祇儲符獻珍庶幾

雲日之光景焉我

皇於是推天時順斗極稽禮經練吉日以十九年五月

甲申恭奉

慈寧乘

安輿發京師開闔闔駟飛龍
磕鼉鼓鏗鯨鐘翠蓋瑯謁玉
鑾冷寵太常招搖鳴鳶雄虹
嚴簿星列羽騎雲從
陵山耀野掣電超風殷動天地
焱焱隆隆梁灤杠
潞聿臻乎

避暑之宮爾乃越近寨啟北垠
千閭洞達萬幕聯屯

輦軒輦景飛陞流雲凌扶搖之雄風鑒渟洪之清
津霽澈宵嶠曠朗蒼雯丹壁翠嶽華錯英紛

天子曰歛哉惟

皇祖鴻駿懿鑠和壹中外陟降斯宇予其敢不肆靖迓

天之申命越孟秋初吉日次鶉尾爰詔卒徒程勇奮枝乃

發中闕徑巖趾踰迴日之梁揭羊腸之水鑽磨鋌

擁輔矢控湛衛執象弭前驅霧合後騎雲靡影躡

飈流光格電駛其攸獵也則獫獫鷹攫百獸羣駭

顛踣駭駭精散魂解甌林石蹶榛叢猿嬰鏹走雁
量搏磨兔掎橐狻斑摧唬虎胆絕懸熊膏侵土碧
血染輪紅口嚙飛鍰足跋霜鋒或穿髀拉藏於莽
賈之廣野或形僵景儼於嶄崟之高峯其訓練也
則北軸移屯天星按部握機連衡覆霓壓堵右牝
左牡先偏後伍舒翼張箕方金圓土叱咤動風雲
闕哮震魄虎燭若激圓曜而門燿赤若拔五岳而
扞拒聾耳則霹靂倒迴駭野則山靈氣沮蓋帝王

所以繼遐烈耀神武也且天地者萬物之祖王者
天地通氣故以經紀不忒神明烈序戔戔長白峻
極無際倒景重溟嘘吸元氣雲雨之司祥暉黶黷
北則頊寘䟽流三江滂湃控引島夷萬里襟帶雪
散天琛珠懷月氣千有億年恬波無沸非夫
功至德洽曷能受命將事者乎然後

皇帝端思要道嘿然儲精仁覃萬彙禮洎萬靈光洽上
下資侔神明郁郁穆穆迎釐太清目極乎無見耳

接乎無聲於赫孔燠陳犧荐牲伊洋洋而升歆若
陟降之在庭乃覲

永陵元始

開運天闢地門日月衛捍晬乎辰極之昭而星躔布列劃
乎鴻濛之剖而清寧基奠歲周紀而肆祀惻屏營
乎

闕殿乃薦

福陵函毓胚渾鬱律

天柱神靈攸尊彈壓海岳含元歆歆萬國日出扶桑朝暾
燕於

皇天永思所存乃格

昭陵卜惟

隆業芒芒肇域鍾祥億葉二儀氣交陰陽開闔龍睇虎嘯

轡御六合伊

大聖之基

命凜心源於渠法於爍盛美洵乎駿假思成對越

在天之靈者也爾乃徘徊弭節言莅

陪都乾運立極坤靈啟圖崢嶸榮列雉赫奕千櫨寫極

上穹巍乎

天居昔在

烈祖來同車書我

皇再至永維

顯謨闢正殿以受朝擁環衛之周廬儼飛龍與翔鳳晃日

麗而霞舒乃申舊章渙大號增爵秩之賜下蠲復

之

詔頒賜守土之人吏存問舊都之耆耄輕省嬰綬之
罪人優飫遠徠之享勞使萬里同氣中外同教我
皇於是恭奉

皇太后延釐挹祥頌南山之壽晉萬年之觴擗厨蒲進瑤
漿華實選腴陸海傾藏千鍾萬品羅陳芬芳備韶
舞之羽佾奏鈞天之宮商覲麟皇之儀舞發風雲
之浩倡張讌飲乎豐沛命故老乎南陽天人氣洽

第祿滂洋北庶蒙被歡娛無疆繫

聖孝之不匱極天地乎等量

皇帝方淵懿萬恭敬凝

天庥惟精惟一協和剛柔志存乎宵旰心營乎方州秉乾

健之揚厲凜衣衲於敬修惟後嗣之克艱厯顯承

乎詔謀思登假於三五庶永言夫作求如是故保

佑申錫而福祿道也又奚崇耀軒禹侈黷成周者

哉臣叨侍

講帷職司譔輯伏覩

大典隆盛頌揚之音充盈天地不勝歡躍忭舞伏作頌
一篇凡八章拜手稽首敬獻

闕下具詞曰

維

帝赫臨肇寧萬方我

皇祖德類適章天慶

帝賜東土往受延昌開極經紀告承明貺萬國奔走沐日

月光闢地廣大龍荷

上蒼一章

震方東陽天地氣貴不咸醫閭雲霞晦霽鬱哉

山陵龍婉鳳翹

聖人篤生為天地嗣奄宅四海莫不保治

德澤洪奕述天地事

二章

昔

聖祖嗣服曰予明命攸屬率惟彞型往苻寅廟孝章天儀

瞻慕精矚龍衣黼黻羽旄芬郁芒芒山海曰予一

人攸域孝熙丕純綏萬年祿

三章

肆我

皇克受是勅是究肅若假典既饗來又

孝德殷盛光大休祐輯若萬國莫不被覆赫赫烈烈于

搜于狩文武維

皇德威惟

后

四章

申命于

皇天載纘

祖功夙夜懷畏予惟冲冲高下穹窿江海鴻洞日兮月兮

休感予中天地開闢寵祿殷豐予茲日業業格休

皇穹

五章

浩浩

聖德昭彰顯光龍旂大輅肅陳

明堂

皇帝布忠洪延萬祥休氣盈溢物各豫昌三階景明德

義炳煌願嗣福裕亘天地長

六章

翼翼

盛京

皇化純茂維

世德格被自我敷佑灝灝太古乾坤基構鞏億萬年祝

文母壽大矣

孝德亶洽寰宙甘醴在庭麟皇在圃

七章

天祚我

聖皇第祿有常邦國用昌民用和良

天子曰於惟繼序弗忘肆

昊天顯命予

列祖耿光一人克敬萬邦之慶於惟緝熙永迪懿祥

八章

聖駕再幸

盛京展謁

祖陵恭頌謹序

甲戌

劉星煒

臣聞八音出震斗車指天首之星五色滎河金錄
懸帝垂之室溯自鳳分元扈襄城秘蘭葉之圖
龍馭璿臺石鈕駐雲端之駕姚墟嗣服纂靈慶於
丹陵蒼籙升壇行貞符於翠渚高邱襲祉名都立
七相之華大予登歌殷薦媿三雍之盛用以合歡
宸甸丕顯文謨日月銜珠光啟龍興之宅蕙蘭成
路祇迎天步之區至如轍迹方開絕徼則銀蟾入
貢車書欲遠流沙之澤馬先鳴輯玉瑞於塗山防

風納賁席羅圖於涿水濁野請庭天乙四征鯨盾
來於東面維鈴作邑雉翬班自南人揆厥所元於
斯為盛欽惟

皇上

乾維御宇

鼎位凝休三筭長垂永禩絢雉裳之采萬靈自總環瀛
肅夔鼓之聲乘木德以司方津覃蟻垤肅金行而
省歛澤溥鵠林鴻寶九疇衢室發天文之秘雞渾

七曜金徒候日昃之勤岱頂嵩申獻祥書於鐫檢
吳歛越唱遍謠頌於朱垠洪惟神女降祥大東卜
宅真人建業朔易開基綃帳葛燈陶穴本
堯門之舊璇宮銀洞

祠壇閣

軒鼎之遺載啓

文孫誕膺

成命循上

陵之懿典摘賦海之鴻章幽館玉璫常陳

皇覽舊方傑侏更佇

帝臨爰於鳳紀之周星再見

鸞輦之動地若榴似火迎

葆衛以舒紅蒲菱成茵列

旌門而映碧灤魚入饌清宵侍

天母之筵塞馬傳書乙夜省臣工之奏時維六月

駕幸山莊瞻翠琬而光闡

聖圖撫丹楹而藻揚

祖烈赫曦歟景不臨清景之宮仙掌修莖自泣招涼之館
鍾峰轉靄披樊籟於南端獅嶺蹲崖摘明星於北
戶萬壑松濤之聽戶晷陰雲四山乳脉之懸時移
火樹沿堤芝逕蘭華自綴於文槐曲水荷英珠藟
紛披於鏤檻平沙列幕雲屯朱汗三千夾鏡重湖
屏列青芙十二軫祁寒於板屋坐燭螟巢勤布政
於瑤階

躬釐鵠序綸連

聖藻丹青壯寰宇之觀堂塔

天歌宮徵發川原之響維時風沙務面煎鞏披忱春雨
自零戀燠之禽先集秋霜遠擊懷寒之馬知歸翅
夫鳴鏑之驅除焚巢潰卵遂乃款關而帽伏食黠
懷音引領虞干不便露犬紉牛之貢投身湯網自
厭焦頭賴尾之勞降書已達於

帝閭亭障遙傳於邈候

天垂解澤甦魚鳥於滄溟

日擁需雲靜蜩蟬於堯簞霞漿玉醴與沆瀣而俱傾鳳
管龍絲雜饒歌而並奏班璜授賞文身資章甫之
華昨土論功折筮拜真王之貴燈宵燕集煥綵樹
於長離綺席賡吟綴華璫而合璧洗兵戎於瀚海
簫勺同文徽尉候於流沙昌孤奉籙律移無射令
轉蓐收乘萬物之權輿展初秋之

法駕鉤陳清

蹕山祇夙戒於非煙俞竒前驅

行幄先成於匪日披星結軫

辰旂指析木之躔向夜傳餐

月駟薄搖光之舍名王負弩捍牧圉於陰山迺率周
廬掘鈎鈴於乙帳文驪赭白攻駒苜蓿之園桐酒
黃羊式燕琉璃之醖平疇草淺正驊騮逸足之場
玉宇涼高肅鷹隼凌霄之翮會烝徒而表貉列缺
騰鞭周截薛以展軫豐隆夾轂駢弓

手御扼狡獸於崇岡黃矢

親調殪剛亟於邃谷螭騰虬踴聲傳天馬之嘶虎攫麟
超雷動王師之氣羹陳舜甌駢媒辨由鹿之音瑞
兆姬璜釣渚叶射熊之夢數大庖於吉日獲必疊
雙校簡力於長楊吞其八九京新燭朗僚徒識茶
火之容陸網眎分穀騎習鸛鷺之陣

觀風皇澗入豐蔀而其咨

駐罕周原考前經而于邁爰諏良日載蒞吉林碧柳遙

看北戒合元都比景白山凝睇東封與日觀同尊

熙

景祐之裁基祥徵

帝武瞻溥原之式廓戶近神樞襟百濟之雄封納三韓

之王氣森挺木葉承

御輦而敷茵澹沲松花漾

宸旂而滑笏長庚屆節璫廬騰

萬歲之呼韶齒迎

鑒金版紀十年之聚庸鳴騶於砥道栖歆同雲

詔省歲於茨楮廣場比櫛

霓旌沛艾經粉社以周遊鼇紀環維謂

珠邱而將事瞻言

櫟角申老感于履霜省識

陵園佇

神遊於在巘重嶺曲蓋

黼幄森陳朱草華平

橋山夙植奠椒漿於銀甕竹葦流膏颶煨燎於蕭光毛魚
列鼎冠華秉翟總干陳大武之容嚴鼓鏗鐘縵瑟
和咸英之奏聲牛服輓歸

適駿於

前寧鄖黍奉盛告屢豐於十稔鞞琤容刀之飾舄奕如新
櫟樗伐木之場青蒼逾昔緹箱累襲啟組練於屏
函筍席捐雕樹崇牙於鹿角儻徊左序卿雲紉縵
之章眷顧

靈衣韎韐帶裳之舊紀威弧於參伐幹合蘭筋策大白於
駟房形錫石馬宮堯樓觀鳳皇接翼於

慈輿掩靄方壺蛟鱷恬波於

聖籙桐圭作瑞奉璋先麟趾之英髦幕來賓飲福列燕
毛之次秀眉紺髮斟綠螳而酌懸匏玉藻瓊敷絢
丹縢而摘寶篆思孚棘土張疎網於秋荼頌溢舛
邱靜催租於夜柝倣顧若於厲紀續媿朱宣均挾
纘於雁臣歡騰清籙慶霄祺福薤柴而禮百神昧景

垂床第草而脩遼祀入新豐之闌闌鷄犬知歸同
在鎬之燕遊魚龍不去然後

斑文轉駕

鏤象回鏡萬雉當關鐵嶺之戈鉞動色雙虹夾道凌河
之簫鼓無譁宅

太紫以傳流淵涓臂量

御訾黃而載旆月蝓由庚般喬來遊沐融皐而澍渥昭
晦旁達歆協氣之棟通臣未奉

屬車幸依

仙仗睽居南紀瞻北極而先傾陋比夏蟲聽春鯨而

率舞陳詩

清廟敢云小相非能結想卷阿敬附矢音之末謹拜手稽

首而獻頌曰

帝薦蕃釐

天垂寶命朱果開祥

丹陵啟

聖八部龕夷三階篤慶道契銅渾功泰金鏡

其一

周郊考室漢沛歌風重欄秘璫

寢殿藏弓魏連峒嶺儉合萬宮高山荒度豐水攸同

其二

獻祉膺圖

華旃曜彩巡洛禮河導江觀海風舉時飮

天行道在吏礪平端民懷幸覲

其三

言稽往牒曰止

陪京瑤緘考懿

珠典昭清節莫旋易歲籥載更禮隆報本契合感生其四

澗戶延熏霞莊澹暑蘭莖池臺松篁棟宇景福裁

基渠搜即叙治洽

前文光施下武

其五

道遊星指陸櫓雲垂景員廣漠朔野逶迤言瞻

複廟載啟瑞闡邠岐方駕鄩杜同規

其六

禹蹟四遊義壇六位懷柔孔延禮樂明備

葩瑤歲挺

庶旄琴麗用配於

京永錫爾類

其七

景炎於鑠文軌溥將鑄芳玉鉉龍慶珠囊金船起
陸猷鼎升香大矣孝熙承

天之况

其八

聖駕四詣

盛京祇謁

祖陵禮成恭頌

謹序

癸卯

周煌

皇上御極之四十有八年秋八月乙亥自灤陽啟塗前
謁

二京有事於

三陵溯自乾隆八年十九年四十三年至是凡四勤展謁
盛典隆禮次第有加

解澤渙號遐邇周浹惟時

鑾輅由承德府平泉州至烏里雅蘇臺城復自建昌
縣朝陽縣至溶爾沁土默特界袤延千有餘里皆

非前巡所經攬上塞之沃饒循老邊之寧謐

觀獲省穡則殷阜徧于村氓閱射行圍則恪恭徵于藩

服臣嘗伏讀

諭旨有云境之履者益以習蹟之著者益以晰此在

三巡已然今復閱

虞巡之五載矣而

蹕路之悅來與旗民之熙皞又有百年必世適際其隆

不啻愈久而愈彰者用是形於

詩歌見諸紀載彞章大備謨訓同彰蓋即

茂典之踵行舊制之沿襲而

大聖人至誠之德純孝之思疊疊惓惓勤勤懇懇與

天健同其不息率

祖考邁其攸行誠有非詞臣墨卿之所能贊擬萬一者矣

洪惟

國慶洵臻

天庥滋至恭遇

年逾古稀之

聖主重巡地當全盛之

留都

臣伏見

列朝寶冊於去歲七月鐫造告成孟冬時享薦于

太廟此次奉

累葉之留貽蔽邠岐之

世室而

宗廟之嚴至矣奉天十八處城工越五稔尅三限以次修

繕告成金湯式鞏富庶駢闐而封疆之固至矣人
文以久道化成典籍為賓興先務我

皇上以四庫書第二分繕寫藏事

申命廷臣自京齎持奔置

文溯閣耀瀛海之

奎章宏鑄京之治化而士勸于雍矣遼水渾河松花北
海為大東巨川全遼演潤我

皇上命建神祠並崇廟貌衍靈長之

國脉昭肝鑒于明裡而

神揚其職矣至于倉庫之檢核經

三巡釐剔之餘而吏治官方胥歸澄叙

睿作之宏深綜

四巡編錄之後而

績繩佑啟實裕燕貽凡若此者

臣謹就見聞所及類次

為頌共得九章直已陳德紀實摘辭不文是慙

臣煌

拜首稽首上言

天眷我

清

祚流自東

天錫我

皇既壽而隆瞻望

山陵

叶

王氣蔥龍霜悽露惕聳誠翹心

叶

川以時增山以時崇

惟

古稀天子載陟載登叶繁祉

聖躬遑憚時乘叶曰

前光允迪曰

祖武是繩

叶

一章十六句

惟昔

聖祖久道長世綺甲一週

丹陵三至瞻念

神皋循行

戰地篇什留題

碑頌親製觀光揚烈繼志述事肆赦頒恩

東巡有成例紹

祖惟我

皇迺

陪京四涖仲秋練時昭陽紀歲

二章十六句

有恤

太室于

京斯依於昭

列聖陟降在茲保佑自

天綿瑞產嘏蔥嶺宮堯崑源潘施玉既肅廷珍無遺野是
斷是錫爰畀能者

寶冊爛然瑞輝阿那薦

廟孔宜藏

京斯可前期啟行什襲芑裏匪

今曷承匪

聖曷荷以介景物以侑以安

三章二十二句

於鑠

二京輦道纚屬州邑雲屯如輻湊藪我

皇前巡命興功築趨則子來任以衆役

叶

曾不五稔金

湯在目抱隰縈原被山帶谷萬雉斯飛層譙斯矗

間而啟門呀而濬壑

叶

鑾輿來觀受

天百祿

四章十八句

秘閣逮矣層櫨絢矣東人之文富教胥勸矣壁奎聚
矣天漢爛矣東人之文

化成是幸矣化成治隆叶首

宇京叶矣以壽以昌以昭以鴻叶風以同叶矣欲以

從叶矣是訓是行叶近

天子之光矣五章十六句

巨流瀾瀾溯源遼水襟帶

日畿津梁地紀湯湯渾河流入英莪

興京門名

灌輸沃野

演漾恬波松花粟末繡江活活衍

祚靈長同源于閩

閩門長白山潭名

河之廣矣江之永叶矣滙

于大瀛

鴻慶遐冕

瀆靈爭趨谷王陽侯禮咸秩矣徧懷柔矣

六章二十句

我廩既高我庾既富叶東入含哺惟

天子賜我府不竭

叶

我庫惟實

叶

東人飲永慎爾官守

叶
自

天降康始自

京國我東屢豐我

皇來省穡百僚師師不懈于位我東時叙我

皇來課吏

七章十六句

聖有謨訓嘉言孔彰昭茲來許東壁之光

帝庸作歌以雅以南

叶

來游來歌韶濩之音五載紀成

禮三載踵成事

至孝垂典常曰

皇子是使

大業碑無極

大猷碑無斁

至孝蔚篇章曰

皇子是則

八章十六句

全遼左右車書咸輳懷

德日新

造邦由舊或

親于建或迓于道叶或陪于位或從于狩媚茲

一人僖于我

后札薩遊藩戚畹勲胄暨樂浪陬小大稽首祝

聖人富祝

聖人壽周復

時巡鳴鑾來入九章十八句

聖駕四詣

盛京恭謁

祖陵禮成恭頌謹序

癸卯

梁敦書

皇上御宇之四十八年秋八月諏吉

啟鑒東蒞

陪京四謁

三陵懿燦乎純久凝釐典洽禮備禕矣懋哉臣嘗考周京

祭畢為山陵裡祀權輿厥後上陵之曲宣總樂府

漢幸南頓朝原陵章陵唐過晉陽舊宮間修故事

惟是視奩上食賜復賜酺章儀未備若夫繁祉重

熙繩悠久而益融介景惇華秩祐克申錫於無疆
者史冊稀聞鴻惟

聖清肇祥朱果

慶演滿珠

樹基震旦遂

建都于瀋陽其地獄峙海蟠俗龐物阜轅邵軼邵握春柄

以

光先區寓用昭四極會歸

鴻謩盛業

裕翼綿長我

皇上純孝光敷美牆申慕曩自乾隆八年十九年四十三年展謁

靈原覲揚

光烈之盛心洞洞屬屬著於

詩篇臚於

綸誥儀文架備謨訓同符繫天下臣民咸所覩仰矣臣

惟易曰天地之道恒久而不已也得天者久照則
天者久道化成嘉祥之致儀度之隆閱久而以時

畢集

聖天子纘繩

祖武式煥

前猷敬

天勤民宵衣旰食四十年孜孜如一日

閱休偉績

臣

請舉其最著者猗若

德威遠被則月嶠雪山如在戶閭二萬餘里延廓版

圖覃敷

文德則

皇極敷言燭霄麗漢榮鏡藝苑蒼萃羣言掇其琳瑯儲
為四庫集今古之大成展義

時巡則中嵩東岱南及江淮籌河觀海為蒼生計鞏固
之安欣逢

壽宇恬熙孚惠

錫福藏富於屢豐全蠲正賦者三普免漕糧者再前後
給復億秣京抵不可勝計懿夫千載罕遭之

昌會惟

大聖人篤念

貽謀茂敦

繼述樹丕丕基於億萬年迺復永懷

締造祇舉四謁

原陵之禮肅將祀事有睟其容敬奉

芝檢金函尊藏

闕宮湖本崇文庋貯

寶閣維時川瀆懷柔明禋

祠宇霞堞雉墉告藏功者十八所爰舉舊章沃

醴澍備行

錫宴賜爵優老育士肆射蠲租宥青諸政典臚歡雷動

仰惟

對越之誠弗懈滋恭

開澤之數有加靡已烝哉

聖人之德無以加於孝乎斯其為久道化成純亦不已

者乎

臣世受

國恩屢荷

簡擢官

禁近貳南臺雖自媿弁鄙不文而飽見猷聞願附於

堯衢之歌諺謹擬頌十二章荷呈

乙覽

臣

誠懽誠喜拜手稽首而獻頌曰

聖皇疑命久迪

前勲

孝熙純嘏四展

橋山敬觀

弓劍

綿聲艱難五雲松柏靈祐永安

右一章
章八句

於顯

盛京於恤

太廟瑤室烟煴瘳除汛埽達嚮剗楹虔奉

冊寶式薦苾芬以饗以保

右二章
章八句

長白碗蜒三江環之松花混同匯于天地滋演

崑脉垂永永基

睿思

孝格百神受釐

右三章
章八句

三館儲文

文思攸繹溯澗迄東維東有壁東壁之光傑閣煌煌

右四

章章
六句

神臯沃野環拱

東畿析木經絡上應尾箕層譙峻堞丹碧其輝我

皇四舉東巡之儀繕功告歲星閱五移上腴福壤德產

精微

右五章
章十句

崇政建中

皇儀

帝容

六飛東狩百國率從蒙古朝鮮鞠脆輸忠承

恩荷

賜肅肅雍雍

右六章
章八句

昀昀禹甸咸則三壤繡鱗列罍膏澤濡養

帝有恩言裕留豐穰蠲厥正供裕我四輔旗民熙熙式

歌且舞

右七章
章八句

黃髮皤皤承豫飲和迎

鑾道左

宸念孔嘉

賜之粟帛優養期頤敷龐之俗皞皞春熙率先惇善奔走

偕來

右八章
章十句

瑶明珠彩地毓其珍紅芽普盤侯俎侯薪菁莪一

育

文教茂興多士摘藻言物行恒僉拜

恩命譽髦額增

右九章
章十句

思樂伊教行藻馨只淑問克允惟愚矜只鳥報春

還

三省澤渥

仁德好生和調玉燭

右十章
章八句

七萃雲屯環衛列營

龍興勁旅世效干城雕弓既設羽族如樹角藝選能疊雙

連注精鏐雪敷拜叩

異數

右十一章
章十句

古稀天子行健日強兮

紹聞衣

德

佑啟靈長兮

皇穹昭假景運俾昌兮

禮成百福福祉滾滾兮

右十二章
章八句

欽定盛京通志卷一百十八